

Ministarstvo zdravstva Kantona Sarajevo (u daljem tekstu: Ministarstvo), kojeg zastupa Prof.dr.Haris Vranić, Ministar

Zavod zdravstvenog osiguranja Kantona Sarajevo (u daljem tekstu: Zavod), kojeg zastupa Sakib Katana dipl. oec., Direktor

Klinički centar Univerziteta u Sarajevu (u daljem tekstu: KCUS), kojeg zastupa prof.dr.Sebija Izetbegović, Generalna direktorica

Apoteka Lamela (u daljem tekstu: Apoteka Lamela), koju zastupa mr.ph. spec. Azra Hadžialjević, Direktor

Zaključili su

PROTOKOL
o realizaciji programa obezbjeđenja lijekova tobramicin i dornaza alfa za liječenje osiguranih lica od cistične fibroze za period 01.01. – 31.03.2021. godine

Član 1.

Zavod zdravstvenog osiguranja Kantona Sarajevo će za osigurana lica na teret sredstava obaveznog zdravstvenog osiguranja obezbjediti lijekove:

Generički naziv	Zaštićeni naziv	Proizvođač	Oblik i jačina	VPC (KM)
tobramicin	Bramitob	Providens	inhalacioni rastvor za raspršivač 300mg/4ml x56	3.561,10
dornaza alfa	Pulmozyme	Roche	otopina za inhalaciju, amp. 2,5mg/2,5ml x6	230,50

Učešće Zavoda u utvrđenoj cijeni lijeka iznosi 100 %.

Navedene cijene se mogu smanjivati tokom trajanja protokola uslijed izmjene maksimalnih državnih cijena, odobrenja predstavnika proizvođača ili po drugom osnovu, a o čemu će Zavod obavijestiti apoteke.

Član 2.

Da bi se osiguranik uključio u Protokol, u momentu uključanja u Protokol mora imati kontinuiranu prijavu na obavezno zdravstveno osiguranje u Kantonu Sarajevo u trajanju od najmanje 6 mjeseci (navedeni uslov provjerava Zavod).

Za osiguranike do 6 mjeseci starosti, obaveza kontinuirane prijave na obavezno zdravstveno osiguranje u Kantonu Sarajevo se računa neposredno od rođenja osiguranika.



Smatrat će se da je osiguranik osiguran u kontinuitetu ukoliko u posmatranom periodu nije imao jedan ili više prekida osiguranja u ukupnom trajanju dužem od šest mjeseci.

Osiguranici koji su uključeni u ovaj program na osnovu ranijih Protokola, ne odnosi se odredba obaveznog trajanja osiguranja iz stavova 1. i 2. ovog člana.

Član 3.

Indikacija za propisivanje lijekova iz člana 1.:

- osigurana lica oboljela od cistične fibroze sa hroničnom plućnom infekcijom uzrokovanom bakterijom Pseudomonas aeruginosa u dobi od 6 i više godine*
- osigurana lica oboljela od cistične fibroze sa forsiranim vitalnim kapacitetom većim od 40%*

Osiguranicima koji se nalaze na bolničkom liječenju, a tokom bolničkog liječenja su im potrebni lijekovi iz člana 1. ovog protokola, isti će obezbjediti na teret sredstava zdravstvene ustanove u kojoj se liječe, a ne putem ovog protokola na teret Zavoda.

Član 4.

Ovlašteni ljekar za propisivanje lijekova iz člana 1. prema indikacijama iz člana 2. su ljekari:

a) za osigurana lica do 18. godine – ljekari Pedijatrijske klinike KCUS:

- Mr. sci. dr. Amra Džinović*
- Dr. Bakalović Ganimeta*
- Mr. sci. dr. Selma Dizdar*

b) za osigurana lica preko 18. godina – ljekari Klinike za plućne bolesti i tuberkulozu KCUS:

- Prof. dr. Belma Paralija*
- Mr. sci. dr. Medžida Rustempašić*

Zavod i KCUS mogu u toku trajanja ovog Protokola izvršiti izmjene i dopune ovlaštenih ljekara propisivača o čemu je dužan odmah obavijestiti ostale potpisnike Protokola.

Navedeni ljekari su dužni voditi računa o racionalnom trošenju sredstava koji se izdvajaju za nabavku lijekova po ovom Protokolu.

Član 5.

Propisivanje lijekova iz ovog protokola će se vršiti putem elektronskih recepata (eRecept i/ili eTerapija).

Zavod će obezbjediti pristup integralnom informacionom sistemu i omogućiti propisivanje elektronskih recepata kroz aplikaciju, te osigurati edukaciju i podršku u radu propisivačima prilikom rada u integralnom informacionom sistemu.



Član 6.

Propisane recepte osiguranici će moći realizovati u Apoteci Lamela, ulica Branilaca Šipa broj 4, koja se obavezuje da će obezbjediti lijekove iz člana 1. u potrebnim količinama i iste fakturirati Zavodu, po cijenama utvrđenim ovim Protokolom.

Član 7.

Saglasnost za uvođenje u Protokol osiguranicima daje Zavod, po pismenom zahtjevu KCUS, a na osnovu prijedloga Pedijatrijske klinike i Klinike za plućne bolesti i tuberkulozu, uz uslov ispunjenja indikacija iz člana 3. ovog Protokola i dostavljene medicinske dokumentacije, a u zavisnosti od finansijskih mogućnosti.

Član 8.

Ovlašteni ljekari iz člana 4. Protokola su dužni dostavljati tromjesečne izvještaje o osiguranicima uključenim u ovaj program liječenja i postignutim rezultatima terapije. Tromjesečni izvještaj se dostavlja Zavodu najkasnije 30 kalendarskih dana po okončanju svakog tromjesečja.

Izvještaji trebaju obuhvatati najmanje slijedeće podatke za svakog pacijenta koji prima lijekova iz ovog Protokola:

- ime i prezime pacijenta
- datum rođenja
- razlog i datum uključivanja terapije, očekivani i dobiveni efekti

U slučaju nedostavljanja navedenih izvještaja, Zavod može obustaviti daljnje finansiranje lijekova koji se obezbjeđuju po osnovu ovog Protokola.

Član 9.

Nadzor na racionalnom i opravdanom propisivanju i izdavanju lijekova koji se finansiraju po osnovu ovog Protokola će vršiti ovlašteni ljekari kontrolori Zavoda.

Ukoliko u toku realizacije ovog Protokola dođe do značajnog povećanja troškova ili drugih promjena koje mogu uticati na poslovanje Zavoda, Zavod može obustaviti daljnje finansiranje lijekova koji se obezbjeđuju po osnovu ovog Protokola.

Član 10.

Na osnovu Odluke Upravnog odbora Zavoda o privremenom finansiranju, ovaj protokol se zaključuje na period od 01.01.2021. do 31.03.2021. godine.

Član 11.

Zavod zadržava pravo izmjene cijena u toku trajanja Protokola, o čemu će obavijestiti ugovornu apoteku.

Zavod je ovlašten da vrši tehničke ispravke i dopune u Protokolu, te da o učinjenim ispravkama obavijesti ostale potpisnike.

Član 12.

Ovaj Protokol sačinjen je u četiri (4) istovjetna primjerka od kojih svaki potpisnik zadržava po jedan (1) primjerak.

Sarajevo, 07.01.2021.godine

Ministarstvo zdravstva Kantona Sarajevo



Zavod zdravstvenog osiguranja Kantona Sarajevo

10-bb-698/21

Prof.dr.Haris Vranić

Klinički centar Univerziteta Sarajevo

Sakib Katana dipl. b. 01-33-8

Prof.dr. Sebija Izetbegović

01-09-11-31-12

13-01-2021

Apoteka Lamela



mr.ph. spec. Azra Hadžialjević

01-01.2021

14.01.2021.